

TRADE-UP TI ALIKAMEN

MASANSAN A SALUDSOD

Siasino ti Hawai'i Energy?

Ti mision ti Hawai'i Energy ket mangpabileg kadagiti pamilia ken negosio kadagiti isla tapno makaaramid kadagiti nasirib a panagpili tapno maksayan ti panagusar iti enerhia, makainut iti kuarta, ken magun-od ti masakbayan a 100% a nadalus nga enerhia. Mangipaaykami iti edukasion maipapan kadagiti pagimbagan ti panangkonserva iti enerhia ken gungunaanmi dagiti praktikal a pang-ngeddeng a makainut iti enerhia. Gapu ta ti koriente ti Hawai'i ti kanginaan iti pagilian, napateg ti panagtittinnulong tapno mapababa ti panagusartayo iti enerhia ken panagpannuratayo kadagiti inangkat a fossil fuel. Tapno maammuan ti ad-adu pay maipapan kadakami, bisitaen ti [HawaiiEnergy.com](https://www.hawaiienergy.com).

Paset kadi ti Hawaiian Electric Company (HECO) ti Hawai'i Energy?

Saan, ti programa ti Hawai'i Energy ket direkta nga imatmatonan ti Hawai'i Public Utilities Commission (PUC), saan a parte ti HECO.

Siasino ti mabalin a makiraman iti Appliance Trade-Up Program?

Ipaay ti Hawai'i Energy daytoy a programa kadagiti napili a komunidad iti intero nga estado, ken mabalin a makipaset dagiti residente kadagidiay a zip code (96817, 96819) nga agbaybayad iti koriente. Bisitaen ti [HawaiiEnergy.com/WEST-HONOLULU](https://www.hawaiienergy.com/WEST-HONOLULU) tapno makita no sadino ti agdama a pakaipaayan ti programa. Limitado ti espasio, isu a pangngaasiyo ta siguraduenyo nga agaplikarkayo iti las-ud ti panawen ti panagaplikar.

Kasano ti panagandar ti Appliance Trade-Up Program?

No addaanka iti daan nga alikamen nga i-trade-in ken agnaedka iti makipaset a komunidad, bisitaen ti [HawaiiEnergy.com/WEST-HONOLULU](https://www.hawaiienergy.com/WEST-HONOLULU) bayat ti panawen ti aplikasion. Mabalinmo nga i-download ti aplikasion, agpili iti baro nga alikamen a gatangem, ken ited ti nakompleto a porma ken bayad iti organisador. Apaman a malpas ti panawen ti aplikasion, iyurnos ti Hawai'i Energy ti order ken delivery logistics. Depende no ania a komunidad ti pagnanaedam, maisukat dagiti daan ken baro nga alikamen iti pagtaengan wenno iti naituding a lugar a pagsukatan.

Apay a kasapulan a masukatan dagiti daan (maus-usar) a refrigerator ken freezer?

Ti panggep ti programa ket ti pannaka-ikkat ken panang-recycle iti ad-adu a daan nga alikamen a nagastar iti enerhia agingga a mabalin. Ti daan a refrigerator ket agusar iti agarup doble ti enerhia ngem ti baro nga ENERGY STAR® certified refrigerator, isu nga iti panangikkat iti daan, makainutka iti enerhia KEN kuarta!

Kasano ti kabayaq ti pannakaawat kadagiti baro nga alikamen?

Manamnama a sumangpet dagiti appliances iti uneg ti 6-12 a lawas manipud iti panaggibus ti application period depende iti lokasion.

Sadino ti pagisukatan kadagiti alikamen?

Agsinnukat kadagiti daan ken baro a unit iti pagtaengan malaksid no adda naituding a sabali a lugar. Pangngaasiyo ta kontakten ti organizer para iti ad-adu pay a detalye.

Ania dagiti ENERGY STAR® nga alikamen?



Ti ENERGY STAR® a sertipiko ket ited ti pederal a gobierno kadagiti alikamen a nadisenio nga agusar iti signipikante a basbassit nga enerhia ngem dagiti gagangay a modelo. Kas pagarigan, ti laeng panangsukat iti daan a refrigerator a 10 ti tawennan wenno nasursurok pay, iti modelo nga ENERGY STAR® ket makainut iti nasurok a \$200 iti kada tawen. Napapaut met ti panagbiag dagiti produkto a makagun-od iti daytoy a sertipiko, a mangkissay iti panagkasapulan iti nagastos a pannakasukat bayat ti panaglabas ti panawen. Ammuen ti ad-adu pay maipapan iti ENERGY STAR®, bisitaen ti: <https://www.energystar.gov/products/appliances/refrigerators>.

Kasano a mapondoan ti Hawai'i Energy?

Ti programa ti Hawai'i Energy ket mapondoan babaen kadagiti kontribusion iti Public Benefits Fund (PBF), a maurnong kas bayad kadagiti bill ti koriente manipud kadagiti kustomer ti HECO ken imatmatonan ti PUC. Ti Hawai'i Energy ti administrador dagitoy a pondo, a mangipapaay kadagiti gundaway ken solusyon para kadagiti customer ti Hawai'i electric utility a mangikontribusion iti PBF, tapno makainut iti kuarta ken enerhia.

Sadino ti pakasursuruak iti ad-adu pay maipapan iti panaginut iti enerhia iti pagtaengan?

Para iti ad-adu pay a tips ken resources, mabalinmo a bisitaen ti [HawaiiEnergy.com/Tips](https://www.hawaiienergy.com/Tips).